

Zenica, dana 29.09.2015. godine

OBAVIJEST SA 12. SJEDNICE ZAKONODAVNO-PRAVNE KOMISIJE SKUPŠTINE

Zakonodavno-pravna komisija Skupštine Zeničko-dobojskog kantona je na 12. sjednici održanoj dana **28.09.2015. godine**, razmatrala sljedeći:

DNEVNI RED

1. **Nacrt Zakona o kantonalnim ministarstvima i drugim tijelima kantonalne uprave**
2. **Nacrt Zakona o korištenju, upravljanju i održavanju zajedničkih dijelova i uređaja zgrade**
3. **Prijedlog Zakona o izmjenama i dopunama Zakona o zaštiti kulturne baštine**
4. **Inicijativa Meldine Ugarak, poslanice u Skupštini Kantona za donošenje Zakona o izmjenama i dopunama Zakona o osnovnoj školi („Službene novine Zeničko-dobojskog kantona“, broj: 5/04, 20/07 i 9/11)**
5. **Inicijativa Hamze Dizdarevića iz Zenice za davanje Autentičnog tumačenja člana 6. Zakona o osnovnoj školi („Službene novine Zeničko-dobojskog kantona“, broj: 05/04, 20/07, 19/09 i 4/14)**
6. **Inicijativa Općinskog vijeća Maglaj za donošenje Zakona o obaveznom srednjem obrazovanju**
7. **Inicijativa Udruženja/Udruge privrednika-Biznis centar „Jelah“-Tešanj za izmjenu Zakona o porezu na promet nekretnina („Službene novine Zeničko-dobojskog kantona“, broj: 6/09)**
8. **Inicijativa Udruženja/Udruge društava za leasing u Bosni i Hercegovini za izmjenu i dopunu Zakona o porezu na promet nekretnina („Službene novine Zeničko-dobojskog kantona, broj: 6/09)**
9. **Izvještaj o ostvarivanju Programa rada Skupštine za 2015. godinu, za period I -VI 2015. godine**

Po završenom razmatranju Nacrta Zakona o kantonalnim ministarstvima i drugim tijelima kantonalne uprave, Komisija je konstatovala da je navedeni akt u skladu sa Ustavom, pravnim sistemom i Poslovníkom Skupštine Zeničko-dobojskog kantona, te je predložila Skupštini Kantona da isti prihvati.

Nakon završenog razmatranja Nacrta Zakona o korištenju, upravljanju i održavanju zajedničkih dijelova i uređaja zgrade, Komisija je konstatovala da je navedeni akt u skladu sa Ustavom, pravnim sistemom i Poslovníkom Skupštine Zeničko-dobojskog kantona, te je predložila Skupštini Kantona da isti prihvati, uz određivanje sprovođenja javne rasprave u trajanju od 30 dana.

Nakon završenog razmatranja Prijedlog Zakona o izmjenama i dopunama Zakona o zaštiti kulturne baštine, Komisija je konstatovala da je navedeni akt u skladu sa Ustavom, pravnim sistemom i Poslovníkom Skupštine Zeničko-dobojskog kantona, te je predložila Skupštini Kantona da isti donese.

Nakon završenog razmatranja Inicijative Meldine Ugarak, poslanice u Skupštini Kantona za donošenje Zakona o izmjenama i dopunama Zakona o osnovnoj školi („Službene novine Zeničko-dobojskog kantona“, broj: 5/04, 20/07 i 9/11), Komisija je konstatovala da je ista u skladu sa Ustavom, pravnim sistemom i da je podnesena shodno članu 111. Poslovnika Skupštine Zeničko-dobojskog kantona, te da ispunjava propisane uslove za njeno razmatranje od strane Skupštine Kantona.

Nakon završenog razmatranja Inicijative Hamze Dizdarevića iz Zenice za davanje Autentičnog tumačenja člana 6. Zakona o osnovnoj školi („Službene novine Zeničko-dobojskog kantona“, broj: 05/04, 20/07, 19/09 i 4/14), Komisija je konstatovala da je ista podnesena shodno članu 111. Poslovnika Skupštine Zeničko-dobojskog kantona, a u pogledu osnovanosti navedene inicijative, Komisija je shodno članu 157. stav 1. Poslovnika Skupštine Zeničko-dobojskog kantona, (imajući u vidu pribavljeno mišljenje Ministarstva za obrazovanje, nauku, kulturu i sport dato povodom navedene Inicijative i Zaključak Vlade Kantona kojim se prihvata dato mišljenje navedenog ministarstva), ocijenila da podnesena inicijativa **nije osnovana** iz razloga što smatra da je pomenuta zakonska odredba, čije se autentično tumačenje traži,

dovoljno jasna i precizna i da zbog toga nema potrebe za davanjem njenog autentičnog tumačenja. Komisija je prilikom ocjenjivanja osnovanosti pomenute Inicijative imala u vidu i odredbu člana 154. stav 1. Poslovnika Skupštine Zeničko-dobojskog kantona, kojom je propisano da je Autentično tumačenje opći akt kojim se utvrđuje istinitost, vjerodostojnost, izvornost i pravilan smisao nedovoljno jasne odredbe zakona.

Shodno navedenom stavu Komisije, **ista nije utvrdila** Prijedlog Autentičnog tumačenja pomenute zakonske odredbe, te isti nije ni dostavila u skupštinsku proceduru, a u skladu sa odredbom člana 157. stav 3. Poslovnika Skupštine Zeničko-dobojskog kantona, Komisija će o svojoj ocjeni navedene inicijative u pogledu njene osnovanosti, pismeno obavjestiti predsjedavajuću Skupštine Zeničko-dobojskog kantona.

Nakon završenog razmatranja Inicijative Općinskog vijeća Maglaj za donošenje Zakona o obaveznom srednjem obrazovanju, Komisija je konstatovala da je ista u skladu sa Ustavom, pravnim sistemom i da je podnesena shodno članu 111. Poslovnika Skupštine Zeničko-dobojskog kantona, te da ispunjava propisane uslove za njeno razmatranje od strane Skupštine Kantona.

Nakon završenog razmatranja Inicijative Udruženja/Udruge privrednika-Biznis centar „Jelah“-Tešanj za izmjenu Zakona o porezu na promet nekretnina („Službene novine Zeničko-dobojskog kantona“, broj: 6/09), Komisija je konstatovala da je ista u skladu sa Ustavom, pravnim sistemom i da je podnesena shodno članu 111. Poslovnika Skupštine Zeničko-dobojskog kantona, te da ispunjava propisane uslove za njeno razmatranje od strane Skupštine Kantona.

Nakon završenog razmatranja Inicijative Udruženja/Udruge društava za leasing u Bosni i Hercegovini za izmjenu i dopunu Zakona o porezu na promet nekretnina („Službene novine Zeničko-dobojskog kantona, broj: 6/09), Komisija je konstatovala da je ista u skladu sa Ustavom, pravnim sistemom i da je podnesena shodno članu 111. Poslovnika Skupštine Zeničko-dobojskog kantona, te da ispunjava propisane uslove za njeno razmatranje od strane Skupštine Kantona.

Nakon završenog razmatranja Izvještaj o ostvarivanju Programa rada Skupštine za 2015. godinu, za period I -VI 2015. godine, Komisija je konstatovala da je isti sačinjen shodno odredbi člana 47. Poslovnika Skupštine Zeničko-dobojskog kantona, kojom je propisano da **“Skupština šestomjesečno razmatra ostvarivanje programa rada i preduzima odgovarajuće mjere za njegovo izvršenje”**, te je predložila Skupštini Kantona da isti prihvati.

**STRUČNA SLUŽBA SKUPŠTINE
ZENIČKO-DOBOJSKOG KANTONA**